



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatro Lib. Sententiarvm M. Petri Lombardi

Spina, Claudius de

Parisiis, 1551

2. de rebus fruibilibus, scil. vnitate diuinæ effentiæ, & personarum trinitate, inuestigabilibus ex scripturis.

urn:nbn:de:hbz:466:1-38840

E P I T O M E

amandæ sunt, quia delectant sui possessores, & eis pariunt gaudium spirituale, & tamen amandæ sunt propter solam beatitudinem: quia non est hic consistendum, fruendo illis: sed ultrà gradiendum. Nam per eas fruendum est summo bono. & ita de voluntate bona dicimus. Vnde Aug. lib. I. cap. I. de Trinit. ait: Voluntas est per quam fruimur. & ita per *1. Io. 4.* virtutes fruimur, non eis, nisi fortè aliqua *Lib. I.* virtus sit deus, vt charitas, de qua post *dist. 7.* tractabitur.

DE REBUS FRVIBILIBUS.
i. vnitæ Diuinæ Essentiæ
& Personarum trinitate,
inuestigabilibus ex
Scripturis.

D I S T I N C T. Secundæ
C A P. Primum.

*Inquiritur
diuinæ es-
sentiæ vni-
tas, & per-
sonarum
pluralitas,
primò au-
thoritatib⁹.*

*In personarum Trinitate vna est
essentiæ deitatis.*

HOc itaque pia ac vera fide tenendum est, quòd Trinitas sit vnus & *Cap. 2.* solus verus deus, vt ait Aug. I. de *Cap. 4.* Trinit. scil. Pater, Filius, & Spiritus san-

ctus. Et hæc Trinitas vnus eiusdemque
substantiæ vel essentiæ dicitur, creditur,
& intelligitur. Quæ est summū bonum,
quod purgatissimis mentibus cernitur.

Cap. 1. Idem habet de fide ad Petrum: vbi vnam

Cap. 2. Patris, & Filij, & Spiritus sancti, essen-

tiam, quam Græci ~~Homousion~~ vocant,

confitentur. In qua non est aliud Pater,

aliud Filius, aliud Spiritus sanctus: quāuis

fit personaliter alius Pater, alius Filius,

alius Spiritus sanctus. Istud autem primò

authoritatibus sanctarum Scripturarum

demonstrandum est, nempe quòd vnitas

essentiæ sit in personarum pluralitate &

in vnitate essentiæ personarum plurali-

tas. Deinde rationibus catholicis & simi-

litudinibus congruis, vt primo lib. de

Cap. 2. Trinit. docet Aug. Primò occurrant ipsa

legis exordia, vbi ait Moses: Audi Israel,

Deu. 6 Dominus Deus tuus vnus est. Item: Ego

sum dominus deus tuus, qui eduxi te de

terra Aegypti. Non erunt tibi alij dij præ-

Exo. 20 ter me. Ecce hoc in loco significauit vni-

tatem naturæ diuinæ, quoniam Deus

(vt ait Ambros. libr. 1. de Trinita.) no-

men est naturæ, dominus verò nomen

est potestatis. Idem etiam manifestatur in

lib. Exod. 3. & 15. cap.

A iiij

Ar. b. 70. 1.

2. 1.

20 CAP. Secundum. In diuinæ essen-
tiæ vnitae pluralitas est per-
sonarum.

Personarum quoque pluralitatem & naturæ vnitatem idem ostendit Dominus, dicēs faciamus hominem ad imaginem & similitudinem nostrā. Dicens enim: Faciamus: &, nostram, pluralitatem personarum ostendit. Dicens verò imaginem, vnitatem essentiæ, quia (vt S. Aug. de fide ad Petrum ait) si vna tantum esset persona, non diceretur, faciamus hominem &c. Cū enim dicit, Ad imaginem, ostendit vnam naturam esse. Rursus Moses dicit: In principio creauit deus cælum & terram. Per deum significans patrem: Per Principium significans filium: & pro eo quod apud nos dicitur deus, Hebraica veritas habet, Heloin. i. dij siue iudices, quod ad pluralitatem personarum refertur. Ille etiam maximus Prophetarum & Regum Dauid distinctionem personarum insinuat dicens: Verbo domini cæli firmati sunt, & spiritu oris eius omnis virtus eorum. & alibi: Benedicat nos Deus, Deus noster, benedicat nos Deus, & metuât eum omnes fines terræ. Trina enim confessio

Ge. c. 1.
Gen. 1.
Psal. 38
Psal. 66.

Dei, trinitatem exprimit personarū, vnitatem verò essentiae aperit, cum singulariter subiungit, eum. Esaias quoque audiuit Seraphin clamantia, Sanctus, Sanctus, Sanctus dominus deus. Per quæ & pluralitas personarum & vnitatis essentiae comprobatur.

Matt. vlti. Dominus Christus diuinæ essentiae ac personarum trinitatem apertè insinuat dicens Apostolis: Ite, baptizate omnes gentes in nomine Patris, & Filij, & Spiritus sancti. In nomine vtique ait (vt Ambros. dicit lib. primo de Trini.) non in nominibus, vt vnitatis essentiae ostendatur. Per nomina tria quæ supposuit, tres personas declarauit. Vnde ipse ait: Ego & Pater vnum sumus. Iohannes quoque in iua Canon. Tres sunt qui testimonium dant in cælo, Pater, Verbum, & Spiritus sanctus. & hi tres vnum sunt. & in initio Euangelij sui, In principio erat verbum. Insuper *ad Gal. 4.* Apostolus apertè Trinitatem distinguit dicens: Misit deus Spiritum filij sui in corda nostra. & alibi: Si Spiritus eius qui suscitauit Christum à mortuis, habitat in nobis. & rursus: Quoniam ex ipso, & per ipsum, & in ipso sunt omnia. Ipsi gloria. *Ro. 8.* Ex quo ait Aug. i. de Trinit. Trinitas personarum & vnitatis deitatis insinuatur. *Ad Ro. 2.* *Ca. 1.*

CAP. Tertium. Personarum Trinitas est sine diuersitate & singularitate.

Hilarius quoque lib. 3. de Trinit. dicit: Illis verbis Gen. 1. Faciamus hominem &c. quod in Trinitate nec *Circa finem.*
 diuersitas, nec singularitas, vel solitudo, sed similitudo & pluralitas siue distinctio significatur. Ait enim sic: Qui dixit, Faciamus hominem ad imaginem & similitudinem nostram, inuicem esse sui similes in eo quod dicit Imaginem & similitudinem nostram, ostendit. Imago enim & similitudo sibi non est: neque diuersitatem duobus admisceri alterius ad alterum similitudo permittit. Idem libr. 4. Professio consortij sustulit intelligentiam singularitatis: quia consortium aliquod nec potest sibiipsum esse solitario: neque rursum solitudo solitarij recipit, faciamus: neque quisquam alieno à se loquitur, nostram. Vterque ergo sermo, scilicet Faciamus, & Nostram, vt solitarium eundemque non patitur: Ita neque diuersum à se alienumque significat. Solitario conuenit Faciam & Meam: non solitario verò conuenit dicere, Faciamus, & Nostram. Vterque sermo vt non solitarium tantum, ita neque differentem

esse vel diuersum esse significat.

*CAP. Quartum. Personæ nobis
innotescunt attributis suis.*

- Psal. 3.* **D**avid æternam filij generationem apertè insinuat ex persona filij, dicens: Dominus dixit ad me, Filius meus es tu: ego hodie genui te. Eadè-
Cap. 8. que generatio ostenditur in lib. Sap. vbi Sapiencia ita loquitur: Dominus possedit me ab initio viarum suarum: antequàm quicquam faceret, à principio ab æterno ordinata sum: & necdum erant abyssi, & ego iam concepta eram &c.
Cap. 5. Michæas quoque propheta vtranque & æternam & temporalem Verbi generationem simul insinuat, dicens: Et tu Bethleem Ephrata, paruulus es in milibus Iuda. Ex te egredietur qui sit dominator in Israel: & egressus eius ab initio & diebus æternitatis.

De Spiritu sancto etiam expressa documenta in veteri testamento habemus.

- Gen. 1.* In Gen. enim legitur: Spiritus domini ferebatur super aquas. & David: Quò
Psal. 138. ibo à Spiritu tuo? In lib. Sapienciæ dicitur: Spiritus sanctus disciplinæ effugiet fictum. Esaias quoque: Spiritus domini super me, eo quòd &c.